

Cov xov txog Tus Neeg Mob-Daim duab MRI

Kauj ruam 1: Teem Koj Qhov Sij Hawm Mus Kuaj Mob


Tom qab koj tus kws kho mob sau ntawv mus mus thaj fais fab MRI, hu xov tooj mus rau University Medical Imaging ntawm **916-922-6747** mus teem sij hawm mus thaj thiab qhia mentsis txog koj txoj kev kuaj mob yav tag dhau los.

Kauj ruam 2: Paub Tau Saib Yuav Muaj Dab Tsi Tshwm Sim

- Yuav tsis tas npaj dab tsi ua ntej rau feem coob ntawm kev mus thaj MRI. Koj yeej noj tau cov zaub mov uas koj niaj hnuv noj thiab noj koj cov tshuaj uas koj niaj zaus noj.
- Koj kuj hnav tau koj cov rig tsho yog hais tias hnav tau xooob thiab yog hais tias tsis muaj cov khawm tsho uas yog hlau.
- Tej co kev thaj MRI mas kuj yuav tau xav tshuaj. Thaum uas koj teem koj qhov sij hawm, tus neeg ua hauj lwm mam li sab laj nrog koj saib puas tsim nyog xav tshuaj los yog puas tsim nyog ua lwm yam.
- Yog hais tias koj yog hom neeg nyob tsis taus rau qhov chaw ti, tham nrog koj tus kws kho mob ua ntej txog cov tshuaj loog.

Kauj ruam 3: Hnuv Uas Thaj Koj Daim MRI

- Mus kom ncav lub sij hawm teem npaj thaj koj daim MRI.
- Hle koj cov phlaib thiab saw thiab qhwv ntsej, lub tsum iav thiab lwm yam uas yog hlau ua ntej koj mus rau chav thaj fais fab. Tej zaum kuj yuav kom koj hle khaub ncaws es hnav cov rig tsho tom tsev kho mob.
- Vim hais tias txoj kev thaj no yuav hnov co co thiab pheed khob nrov nrov, yuav muaj cov khoom siv tsaws pob ntseg rau koj siv.
- Tus kws kawm tawm thaj MRI mam li kom koj mus nyob ntawm lub rooj muaj rwb tiag kom zooj uas yuav txav mus txav los ntawm qhov uas yuav thaj koj fais fab. Yuav kom koj tig li cas mas nyob ntawm saib yuav thaj cheeb tsam qhov twg ntawm koj lub cev. Tus kws kawm tawm los thaj MRI yeej pom, hnov thiab nrog tau koj tham txhua lub sij hawm. Feeb coob mas, kuj tso cai koj coj ib tus phooj ywg los yog tus txheeb ze mus nrog koj nyob hauv chav thaj fais fab ntawv.



- Txoj kev thaj fais fab no yuav siv sij hawm li ntawm 20 mus rau 30 nas this. Koj tsuas yog txhob ua zog thiab nyob twj ywm xwb.

Kauj ruam 4: Tom Qab Muab Koj Thaj Fais Fab Tag


- Ib tus kws kawm tawm los saib daim duab fais fab yuav los soj cov duab fais fab ntawv. Yuav sau ib tsab ntawv qhia txog kev thaj pom yuav muab xa mus rau tus kws kho mob uas teem kev thaj zaum no li ntawm 12 mus rau 24 teev.
- Mus teem ib lub sij hawm nrog rau koj tus kws kho mob mus sab laj txog qhov koj daim MRI thaj pom.

MRI yog dab tsi?


MRI yog cov niam ntawv rau **magnetic resonance imaging**.

MRI siv ib cov zog tshwj xeeb los ntawm hlau nplaum, fais faib thiab computer los tsim cov duab sab hauv lub cev saib nyob zoo li cas. Yuav pom cov duav no nyob rau ntawm lub computer, muab luam tawm los yog muab luam rau ib daim CD. Cov kws kho mob siv cov duab no los kuaj thiab kho cov kev muaj mob.

Tsis khws li cov kev thaj fais fab X-rays, MRI tsis siv cov fais fab muaj zog heev (ionizing radiation), uas rau muaj kev nyab xeeb, tsis nkag rau yus lub cev thiab tsis hnov mob kom thaj rau cov duab kom pom meej txog koj lub cev ntaj ntsug.



GE 3.0T HD
Lub cav thaj MRI




Cov fais fab muaj zog nplaum li cas



Daim duab MRI ntawm caj dab taw/pob taws

Cov duab MRI kuj yob ib yam tseem ceeb vim hais tias thaj tau cov nqaij hauv nruab nrog---xws li koj lub hlwb, koj nqaij ntsiv (muscles), cov leeg thiab cov plab plaw siab ntsws—tsuas yog thaj tsis tau pob txha xwb.


Daim duab MRI thaj pom tau ntau thiab yuav luag txhua yam ntawm tib neeg lub cev, vim hais tias cov duab mas thaj pom nyob ntawm cov dej (hydrogen



cov dej hauv lub cev, cov pas muaj hlau nplaum muaj dej

molecules) nyob li cas. Peb lub cev mas feem ntau yog dej xwb uas muaj cov kua (hydrogen).

Nyob ntawm University Medical Imaging, peb siv lub cav thaj 3.0T HD MRI, uas yog lub uas muaj zog tshaj plaws uas siv tau rau hauv chav kho mob. Nws tsim tau ob npaug thaum thaj tau lawm (pom meej thiab qhia tau meej) yog muab piv rau lwm cov cav thaj uas nyob ib ncig ntawm lub nroog Sacramento. Kev ntxiv zog rau lub cav nws yuav txo qhov sij hawm kom tsawg zog thaum mus thaj fais fab. Yuav siv sij hawm tsawg zog thaum pw saum lub rooj thaj fais faib yam sai dua, kev thaj MRI kom tau zoo nyob dua.



Daim duab MRI ntawm lub hlwb



umimri.com

